

განცხადება შესყიდვის ელექტრონული პროცედურის ჩატარების შესახებ

ტენდერის ტიპი	ელექტრონული პროცედურა
შემსყიდველი	შპს „საქართველოს მელიორაცია“
დაფინანსების წყარო	2021 წლის სახელმწიფო ბიუჯეტი
შესყიდვის სავარაუდო ღირებულება	724'120.00 ლარი
წინადადება წარმოდგენილი უნდა იყოს	დღგ-ის გათვალისწინებით
სპეც.წესის საქონლის კოდი - 7	
შეთავაზების ფასის კლების ბიჯი	0.4%

შპს „საქართველოს მელიორაცია“

ელექტროენერგიის აღრიცხვის კვანძების კარადების, მრიცხველებისა და შესაბამისი სამონტაჟო მასალების
(თანმდევი მომსახურებით - მონტაჟი) შესყიდვის

ელექტრონული პროცედურა

დოკუმენტაცია

სავარაუდო ღირებულებაა 724'120.00 (შვიდას ოცდაოთხი ათას ას ოცი) ლარი, დღგ-ს გათვალისწინებით

სპეც. წესის საქონლის კოდი - 7

დაფინანსების წყარო - სახელმწიფო ბიუჯეტი (2021 წლის სახსრები)

წინამდებარე დოკუმენტაცია შედგენილია 2020 წლის 6 აგვისტოს საქართველოს მთავრობის N485 დადგენილებით
დამტკიცებული „შპს „საქართველოს მელიორაციის“ მიერ საქონლისა და მომსახურების შესყიდვის სპეციალური
წესის“ საფუძველზე.

ქ. თბილისი

2021 წ.

დოკუმენტაცია, პრეტენდენტის მიერ წარმოსადგენი წინადადება და მისი შეესაბამების წესი

1. დოკუმენტაცია

- 1.1 დოკუმენტაცია არის დოკუმენტთა პაკეტი, რომელიც შეიცავს სრულ ინფორმაციას შესყიდვის ობიექტის, პროცესის და შესყიდვის შესახებ ხელშეკრულების ძირითადი პირობების თაობაზე.
- 1.2 დოკუმენტაცია მოიცავს:
- 1.2.1 ფასების ცხრილი, საქონლის მიწოდების ადგილი და ვადა (დანართი №1).
 - 1.2.2 ტექნიკური დავალება (დანართი N2).
 - 1.2.3 ელ. ენერგიის აღრიცხვის კვანძები (დანართი N3).
 - 1.2.4 დანართი N4 - საგარანტიო პირობები.
- 1.3. სატენდერო წინადადება და მასთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დოკუმენტთან დაკავშირებული სადავო საკითხ(ებ)ის გადაწყვეტისას უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

2. პრეტენდენტის მიერ წარმოსადგენი წინადადება

- 2.1 პრეტენდენტის წინადადება უნდა შეიცავდეს შემდეგ ინფორმაციას:
- 2.1.1 ფასების ცხრილი, საქონლის მიწოდების ადგილი და ვადა (დანართი №1).
 - 2.1.2 შემოთავაზებული საქონლისთვის (ფასების ცხრილის პირველი, მეორე და მესამე პოზიციები) პრეტენდენტმა უნდა წარმოადგინოს ინფორმაცია, რომელიც დაადასტურებს შემოთავაზებული საქონლის - მრიცხველის მოდელის ტექნიკური პარამეტრების, ტექნიკურ დავალებაში (დანართი N2) პირველ პოზიციაზე (1.1, 1.2 და 1.3 პუნქტები) მოცემულ მახასიათებლებთან შესაბამისობას, კერძოდ, მწარმოებელი ფირმის მიერ გაცემული დოკუმენტ(ებ)ი ან/და ამონარიდი მწარმოებლის ოფიციალური ინტერნეტ საიტიდან, ინტერნეტ მისამართ(ებ)ის (ლინკი) მითითებით. აღნიშნული დოკუმენტ(ებ)ი/ამონარიდი უნდა აიტვირთოს ერთიან ელექტრონულ სისტემაში ნოტარიულად დამოწმებულ ქართულ თარგმანთან ერთად.
 - 2.1.3 პრეტენდენტმა უნდა წარმოადგინოს კომპლექტში შემავალი კარადის ვიზუალის ამსახველი დოკუმენტი გაბარიტული ზომების მითითებით.
 - 2.1.4 საგარანტიო პირობები (დანართი N4).

წინადადების უზრუნველყოფის 1%-იანი გარანტია:

- პრეტენდენტი ვალდებულია, ტექნიკურ დოკუმენტაციასთან ერთად წარადგინოს წინადადების უზრუნველყოფის გარანტია ერთ-ერთი ქვემოთ მითითებული წესითა და ფორმით:
 - ა) პროცედურის პირობებით განსაზღვრულ საბანკო ანგარიშზე (ა/აGE36TB7484734030100006; ს.ს “თიბისი ბანკი”; ბანკის კოდი: TBCBGE22; მიმღების სახელი შპს საქართველოს მელიორაცია) თანხის გადახდითა და აღნიშნულის დამადასტურებელი ქვითრის ტექნიკურ დოკუმენტაციასთან ერთად წარდგენით;
 - ბ) საბანკო გარანტიით, რომელიც წარდგენილი უნდა იყოს საქართველოს კანონმდებლობის შესაბამისად ლიცენზირებული საბანკო/სადაზღვევო დაწესებულებიდან.
- წინადადების უზრუნველყოფის გარანტიის ბენეფიციარია შემსყიდველი.
- წინადადების უზრუნველყოფის გარანტია დაბრუნებას ექვემდებარება შესაბამისი ხელშეკრულების დადების ან შესყიდვის ელექტრონული პროცედურის უარყოფითი შედეგით დასრულების ან შეწყვეტის შემთხვევაში, პრეტენდენტის/მიმწოდებლის შესაბამისი მოთხოვნიდან 10 (ათი) სამუშაო დღის განმავლობაში.
- წინადადების უზრუნველყოფის გარანტიის დაბრუნების მოთხოვნა წარდგენილ უნდა იქნეს შესაბამისი ხელშეკრულების დადებიდან ან შესყიდვის ელექტრონული პროცედურის უარყოფითი შედეგით დასრულებიდან ან შეწყვეტიდან 3 (სამი) თვის განმავლობაში. აღნიშნული ვადის გასვლის შემდეგ წინადადების უზრუნველყოფის გარანტია არ ექვემდებარება დაბრუნებას და წარმოადგენს შემსყიდველის შემოსავალს.
- პრეტენდენტის მიერ წარდგენილი წინადადების უზრუნველყოფის გარანტია არ ექვემდებარება დაბრუნებას, თუ შესაბამისი პრეტენდენტის დისკვალიფიკაცია განხორციელდა საქართველოს მთავრობის 2020 წლის 6 აგვისტოს „შპს „საქართველოს მელიორაციის“ საქონლისა და მომსახურების შესყიდვების

სპეციალური წესის დამტკიცების შესახებ“ N485 დადგენილების მე-13 მუხლის პირველი პუნქტის „ა“ ან „ვ“ ქვეპუნქტის საფუძველზე („ა“ იგი უარს იტყვის წინადადებაზე ან სხვაგვარად გამოხატავს უარს ხელშეკრულების დადებაზე; „ვ“ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“).

- საბანკო გარანტიის წარმოდგენის შემთხვევაში სატენდერო წინადადების უზრუნველყოფის გარანტიის ვადა განისაზღვრება წინადადების წარდგენიდან არანაკლებ 160 კალენდარული დღის ვადით.
- იმ შემთხვევაში, თუ პრეტენდენტი წინადადების ვადის დასრულების დროისთვის არ ექნება მოთხოვნათა სრული დაცვით წარდგენილი წინადადების უზრუნველყოფის გარანტია, პრეტენდენტის შეთავაზება არ განიხილება და კომისიას შეუძლია, მიმართოს წინადადების ყველაზე დაბალი ფასის მქონე მომდევნო პრეტენდენტს.

2.2 2.1 პუნქტით გათვალისწინებული ყველა ინფორმაცია და დოკუმენტაცია ერთიანობაში წარმოადგენს პრეტენდენტის წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ წინადადების შეთავაზებისას.

2.3 პრეტენდენტს უფლება აქვს წარმოადგინოს მხოლოდ ერთი წინადადება.

2.4 წინადადების საერთო ფასი გამოსახულ უნდა იყოს დღგ-ს და ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები.

2.5 წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

3. ანგარიშსწორების პირობები

3.1 ანგარიშსწორება განხორციელდება უნაღდო ანგარიშსწორების ფორმით.

3.2 ანგარიშსწორება განხორციელდება არაუგვიანეს 10 სამუშაო დღის განმავლობაში, ფაქტიურად მოწოდებული საქონლის (თანმდევი მომსახურებით - მონტაჟი) ფარგლებში გაფორმებული მიღება-ჩაბარების აქტ(ებ)ისა და საგადასახადო ანგარიშ-ფაქტურის წარდგენის საფუძველზე.

3.3 ანგარიშსწორებისას შესაძლებელია გამოყენებული იქნეს წინასწარი ანგარიშსწორების მექანიზმი. მიმწოდებლის მოთხოვნის შემთხვევაში შემსყიდველი ავანსის სახით ურიცხავს მიმწოდებელს მთლიანი სახელშეკრულებო თანხის არაუმეტეს 30%-ს, შესაბამისი თანხის უპირობო და გამოუხმობი საბანკო გარანტიის (გაცემული მხოლოდ საქართველოში ლიცენზირებული საბანკო დაწესებულების ან სადაზღვევო კომპანიის მიერ) წარმოდგენიდან 10 (ათი) სამუშაო დღის ვადაში, რომლის დაქვითვა მოხდება ეტაპობრივად (საქონლის (თანმდევი მომსახურებით - მონტაჟი) ეტაპობრივად მოწოდების შემთხვევაში), კერძოდ, მიმწოდებელს მოწოდებული საქონლის (თანმდევი მომსახურებით - მონტაჟი) ღირებულებიდან დაუკავდება თანხის ის პროცენტული ოდენობა, ხელშეკრულების ღირებულების რა პროცენტიც მიღებული აქვს ავანსად. საავანსო საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

3.4 საავანსო საბანკო გარანტია უნდა იყოს უპირობო და შემსყიდველს უფლებას აძლევდეს, საავანსო საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საავანსო საბანკო გარანტიით განსაზღვრული შესაბამისი თანხა.

4. პრეტენდენტის მიერ წარმოდგენილი წინადადების შევსების წესი

4.1 ფასების ცხრილი და საქონლის მიწოდების პირობები (დანართი №1);

- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.

4.2 ფასების ცხრილის, საქონლის მიწოდების პირობების (დანართი №1) და წარმოდგენით, პრეტენდენტი ეთანხმება წინამდებარე სატენდერო დოკუმენტაციით განსაზღვრულ პირობებს.

4.3 სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებისა და/ან შენიშვნის სახით.

5. ხელშეკრულების შესრულების უზრუნველყოფის გარანტია:

5.1 ტენდერში გამოიყენება ხელშეკრულების შესრულების უზრუნველყოფის მექანიზმი 5%-ის ოდენობით, რომელიც გაცემული უნდა იყოს საქართველოს კანონმდებლობის შესაბამისად ლიცენზირებული საბანკო დაწესებულების ან სადაზღვევო კომპანიის მიერ.

5.2 ხელშეკრულების უზრუნველყოფის საბანკო გარანტია პრეტენდენტის მიერ წარმოდგენილი უნდა იყოს ხელშეკრულების გაფორმებამდე, რომლის მოქმედების ვადა, არანაკლებ 30 კალენდარული დღით უნდა აღემატებოდეს ხელშეკრულების მოქმედების ვადას.

5.3 ხელშეკრულების შესრულების უზრუნველყოფის გარანტია უნდა იყოს უპირობო და შემსყიდველს უფლებას აძლევდეს, გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს ხელშეკრულების შესრულების უზრუნველყოფის გარანტიით განსაზღვრული შესაბამისი თანხა.

შენიშვნა:

იმ შემთხვევაში, თუ ერთიან ელექტრონულ სისტემაში, პრეტენდენტის პროფილის ველში არ არის სრულად მითითებული რეკვიზიტები, პრეტენდენტმა წინადადების წარმოდგენისას ზემოაღნიშნულ დანართებთან ერთად უნდა ატვირთოს პრეტენდენტის რეკვიზიტები, რომელიც მოიცავს შემდეგ ინფორმაციას: პრეტენდენტის დასახელებას, იურიდიულ მისამართს, ტელეფონს, საბანკო რეკვიზიტებს, ხელმძღვანელის სახელს, გვარს;

2019 წლის 1 იანვრიდან, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე ვალდებული არიან, სახელმწიფო შესყიდვებში ერთიან ელექტრონულ სისტემაში ასატვირთ, მის მიერ შექმნილ, ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით, გარდა საქართველოს კანონმდებლობით გათვალისწინებული შემთხვევებისა (იხილეთ სახელმძღვანელო ინსტრუქცია).

- წინადადების დაზუსტების წარმოსადგენად (ასეთის არსებობის შემთხვევაში) განესაზღვრება არაუმეტეს 3 სამუშაო დღე.

- ნიმუშების წარმოსადგენად (ასეთის არსებობის შემთხვევაში) პრეტენდენტს განესაზღვრება მხოლოდ 5 სამუშაო დღე.

- დამატებითი ინფორმაციისათვის მიმართეთ კომისიის აპარატის წევრს ნინო ჟიჟილაშვილს 577 07 23 53.

1. ხელშეკრულების დამდები მხარეები და შესყიდვის ობიექტი

ერთის მხრივ, _____ (მის: თბილისი, _____), წარმოდგენილი - მისი _____ სახით (შემდგომში "შემსყიდველი")

და მეორეს მხრივ,

_____ (იურიდიული მის: _____) წარმოდგენილი - მისი _____ სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

_____ მოთხოვნათა შესაბამისად, შემსყიდველმა გამოაცხადა შესყიდვის ელექტრონული პროცედურა _____ შესყიდვაზე, რომელშიც, კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: _____ (_____) ლარი (შემდგომში "ხელშეკრულების ღირებულება")

2. ტერმინთა განმარტებები

- 2.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას;
- 2.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ შესყიდვის ელექტრონულ პროცედურაში (GEO _____)
- 2.3. "ხელშეკრულება შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2.2 პუნქტში მითითებული, შესყიდვის ელექტრონულ პროცედურაში წარმოდგენილი, ყველა დოკუმენტით, კერძოდ:
 - 2.3.1. ფასების ცხრილი, საქონლის მიწოდების ადგილი და ვადა (დანართი №1).
 - 2.3.2. ტექნიკური დავალება (დანართი №2).
 - 2.3.3. ელ. ენერგიის აღრიცხვის კვანძები (დანართი №3).
 - 2.3.4. დანართი №4 - საგარანტიო პირობები.
 - 2.3.5. ტექნიკური პარამეტრები, საქონლის მიწოდების, საგარანტიო და ანგარიშსწორების პირობები (დანართი №2).
- 2.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.5. "დღე", "კვირა", "თვე" ნიშნავს კალენდარულ დღეს, კვირას, თვეს.

3. ხელშეკრულების საგანი

- 3.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს _____, (შემდგომში "საქონელი"), ხოლო შემსყიდველი კისრულობს ვალდებულებას, მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 3.2. შესყიდვის ობიექტის კლასიფიკატორის კოდი: _____.
- 3.3. მისაწოდებელი საქონლის დასახელება, განზომილება, რაოდენობა და ერთეულის ფასი განისაზღვრება ფასების ცხრილის შესაბამისად (დანართი №1).
- 3.4. შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

4. ხელშეკრულების შესრულების კონტროლი

- 4.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 4.2. შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში "ინსპექტირების ჯგუფი")
- 4.3. ინსპექტირების ჯგუფის ფუნქციებია:
 - 4.3.1. _____ ვალდებულია გაუწიოს კონტროლი მიღებული საქონლის რაოდენობასა და საქონლის თანმდევი დოკუმენტაციის შესაბამისობას ხელშეკრულებასთან, ასევე აღრიცხოს საქონლის მიწოდების და ხელშეკრულების მოქმედების ვადები;
 - 4.3.2. _____ ვალდებულია გაუწიოს კონტროლი მიღებული საქონლის რაოდენობასა და ხარისხობრივ შესაბამისობას ხელშეკრულებით გათვალისწინებულ მოთხოვნებთან;
 - 4.3.3. გააფორმონ მიღება-ჩაბარების აქტი მიმწოდებელთან და უზრუნველყონ მიწოდებული საქონლის მიღება..

5. საქონლის მიწოდების ვადა და ადგილი

- 5.1. მიმწოდებელი ვალდებულია, საქონლის მიწოდება განახორციელოს საქონლის მიწოდების ადგილისა და ვადების შესაბამისად (დანართი №).
- 5.2. საქონლის მიწოდებას უზრუნველყოფს მიმწოდებელი საკუთარი ხარჯით.
- 5.3. მიმწოდებელი იღებს ვალდებულებას, შესყიდვის ობიექტის მიწოდებამდე, შეუთანხმოს შემსყიდველს და აცნობოს მიწოდების კონკრეტული თარიღი.

5.4. ზემოაღნიშნული პირობების დაუცველობის შემთხვევაში, მიმწოდებლის მიმართ საქონლის მიღების შეფერხებით დამდგარ ზიანზე, შემსყიდველი არ არის პასუხისმგებელი.

6. საქონლის მიღება-ჩაბარების წესი

- 6.1. მიმწოდებლის მიერ მიწოდებული საქონელი ჩათვლება მიღებულად მიღება-ჩაბარების აქტის გაფორმების საფუძველზე.
- 6.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 6.3. მიღება-ჩაბარების აქტი დგება საქონლის (ან მისი ნაწილის) ყოველი მიწოდების დასრულების შემდეგ.
- 6.4. საქონლის მიღება და საბოლოო შემოწმება ხდება წინამდებარე ხელშეკრულებაზე თანდართულ დანართში N 1 მოცემული პირობების შესაბამისად, საქონლის მიწოდების ადგილზე.
- 6.5. საქონლის (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. ანგარიშსწორების პირობები და ვადები

- 7.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის მოცულობის შესაბამისად, მიმწოდებლის საბანკო რეკვიზიტებზე;
- 7.2. ანგარიშსწორება განხორციელდება ანგარიშსწორების პირობებისა და ვადების შესაბამისად.
- 7.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.3 და 10.5 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 7.4. წინასწარი ანგარიშსწორების პირობები:
 - 7.4.1. მიმწოდებელი უფლებამოსილია შემსყიდველს წარუდგინოს წერილობითი მოთხოვნა წინასწარი ანგარიშსწორების თანხის (ავანსის) გადახდის თაობაზე, რომლის ოდენობა არ უნდა აღემატებოდეს ხელშეკრულების ღირებულების 30%.
 - 7.4.2. შემსყიდველის მიერ ავანსის გადახდის თაობაზე დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემული წინასწარი ანგარიშსწორების (საავანსო) საბანკო გარანტია, მოთხოვნილი თანხის იდენტურ ოდენობაზე. საავანსო საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.
 - 7.4.3. ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია წარმოადგინოს ვადაგაგრძელებული ან ახალი საავანსო საბანკო გარანტია, რომელიც 30 დღით უნდა აღემატებოდეს ხელშეკრულების გაგრძელებულ ვადას. იმ შემთხვევაში, თუ მიმწოდებელი ხელშეკრულების მოქმედების ვადის გაგრძელების შესახებ შეთანხმების გაფორმებიდან 10 (ათი) სამუშაო დღეში არ ან ვერ უზრუნველყოფს ვადაგაგრძელებული ან ახალი საბანკო გარანტიის წარმოდგენას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტით გათვალისწინებული თანხის სრულად გამოთხოვის თაობაზე.
 - 7.4.4. ავანსის გადახდა განხორციელდება ზემოაღნიშნული საავანსო საბანკო გარანტიის შემსყიდველისათვის წარდგენიდან 10 სამუშაო დღის განმავლობაში.
 - 7.4.5. საავანსო საბანკო გარანტია უნდა იყოს უპირობო და შემსყიდველს უფლებას აძლევდეს, საავანსო საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საავანსო საბანკო გარანტით განსაზღვრული შესაბამისი თანხა.
 - 7.4.6. ავანსად გადარიცხული თანხის დაქვითვა მოხდება ეტაპობრივად, კერძოდ, მიმწოდებელს მოწოდებული საქონლის (თანმდევით მომსახურებით - მონტაჟი) ღირებულებიდან დაუკავდება თანხის ის პროცენტული ოდენობა, ხელშეკრულების ღირებულების რა პროცენტიც მიღებული აქვს ავანსად.
 - 7.4.7. იმ შემთხვევაში, თუ ხელშეკრულებით გათვალისწინებული პირობების შესაბამისად, ხელშეკრულება შეწყდა ვადაზე ადრე ან/და მიმწოდებელი ხელშეკრულებით გათვალისწინებულ ვადაში ვერ უზრუნველყოფს საქონლის მიწოდება და მხარეები ვერ თანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების მიღებიდან არაუგვიანეს 5 სამუშაო დღის ვადაში, დააბრუნოს წინასწარ ავანსის თანხა, წინააღმდეგ შემთხვევაში, შემსყიდველი უფლებამოსილია მიმართოს საავანსო საბანკო გარანტიის გამცემ დაწესებულებას შესაბამისი თანხის დაბრუნების თაობაზე.
- 7.5. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

8. საქონლის საგარანტო პირობები და ვადები

- 8.1. მიმწოდებელი იძლევა გარანტიას, რომ მიწოდებული საქონელი იქნება ახალი, ხარისხიანი, სწორი ექსპლუატაციის პირობებში არ გამოავლენს დეფექტს და შესაბამემა საქონლის ტექნიკურ პარამეტრებსა და პირობებს (დანართი №2).
- 8.2. მიმწოდებელი იძლევა გარანტიას მიწოდებულ საქონელზე, საგარანტო პირობისა და ვადების შესაბამისად (დანართი №4)
- 8.3. მიმწოდებელი ვალდებულია გონივრულ ვადაში (თუ დანართი №4-ით კონკრეტული ვადა არ არის გათვალისწინებული) განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 8.4. მიმწოდებლის მიერ საგარანტო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ხელშეკრულების შეწყვეტა

- 9.1. ხელშეკრულება შეიძლება შეწყდეს:
 - 9.1.1. მხარეთა წერილობითი შეთანხმებით;
 - 9.1.2. ხელშეკრულების ვადის გასვლის გამო;
 - 9.1.3. 9.2 პუნქტით გათვალისწინებულ შემთხვევებში.
- 9.2. შემსყიდველი უფლებამოსილია ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:
 - 9.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 9.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;

9.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული საქონლის მიწოდებას.

9.2.4. მიმწოდებლის გაკოტრების შემთხვევაში;

9.2.5. შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება.

10. მხარეთა პასუხისმგებლობა

10.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

10.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.02 პროცენტი ყოველი ვადაგადაცილებული დღისათვის.

10.3. მიმწოდებელი კისრულობს პასუხისმგებლობას მიწოდების ვადების დარღვევის შემთხვევაში, პირგასამტეხლოს სახით შემსყიდველს გადაუხადოს მისაწოდებელი საქონლის ღირებულების 0.02 პროცენტი ყოველი ვადაგადაცილებული დღისათვის;

10.4. მიმწოდებელი კისრულობს პასუხისმგებლობას ხელშეკრულების პირობების შეუსრულებლობისთვის, პირგასამტეხლოს სახით შემსყიდველს გადაუხადოს ხელშეკრულების საერთო ღირებულების 20 პროცენტის ოდენობით;

10.5. მიმწოდებელი კისრულობს პასუხისმგებლობას ხელშეკრულების ნაწილობრივ შესრულების შემთხვევაში, პირგასამტეხლოს სახით შემსყიდველს გადაუხადოს შესასრულებელი (დარჩენილი) ვალდებულებები შესაბამისი ღირებულების 20 პროცენტის ოდენობით;

10.6. მხარეები თავისუფლდებიან პასუხისმგებლობისაგან:

10.6.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.

10.6.2. ის მხარე, რომელიც ხელშეკრულების 10.6.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

10.6.3. ხელშეკრულების 10.6.2 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაუალაზრებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახსნოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. ხელშეკრულების შესრულების საბანკო გარანტია

13.1. ხელშეკრულებაში გამოყენებულია მიმწოდებლის მხრიდან ხელშეკრულების შესრულების საბანკო გარანტია მთლიანი სახელშეკრულებო თანხის 5 (ხუთი) პროცენტის ოდენობით, რომლის ვადა 30 (ოცდაათი) დღით აღმატება ხელშეკრულების მოქმედების ვადას.

13.2. შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:

13.3.1. ხელშეკრულება შეწყდა 9.2 პუნქტის შესაბამისად;

13.3.2. ხელშეკრულების მოქმედების ვადის განმავლობაში მიმწოდებელმა ვერ უზრუნველყო ხელშეკრულებით გათვალისწინებული საქონლის მოწოდება.

13.3. საბანკო გარანტია მიმწოდებელს დაუბრუნდება:

13.3.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;

13.3.2. ხელშეკრულების 9.1.1 პუნქტით გათვალისწინებულ შემთხვევებში ხელშეკრულების ვადად შეწყვეტისას.

14. ხელშეკრულებაში ცვლილებების შეტანა

- 14.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 14.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 14.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთება ხელშეკრულებას და ჩაითვლება მის განუყოფელ ნაწილად.

15. ხელშეკრულების სხვა პირობები

ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 20-- წლის -----.

17. მხარეთა იურიდიული მისამართები და საბანკო რეკვიზიტები

„შემსყიდველი“

შპს _____

_____ -

ტელ: (_____) _____.

სს _____

ა/ა _____; ბანკის კოდი: _____

საიდენტიფიკაციო კოდი: _____

„მიმწოდებელი“

მის: _____

ტელ: (995 32) _____.

ა/ა _____; ბანკის კოდი: _____

საიდენტიფიკაციო კოდი: _____